

Գ Լ Ո Ւ Խ Ժ Գ .

Մէհէմմէտ , Օմար : Արշաւանք Իմանյէլեան զօրուն յԱտրին : Աւուճն
Գամակասի : Գաշէնք Քրիստոնէից : Գալուսա Իւմէրոյ յԵրուսաղէմ՝
և աիրել քաղաքին գաշամբ :

ՅՈՒԹԵՐՐՈՐԳԻ ամի Կայսերութեան Հերակլի երեւեցաւ Մէհէմմէտ յԱրարիա 'ի քաղաքին Մէքկէ , իբր 40 ամեաց հասակաւ , և քարոզեաց զանձնէ լինել մարդարէ և առաքեալ յԱստուծոյ . դատապարտեալ խոյս ետ 'ի Մետինէ քաղաք (յամի Տեառն 622 . 'ի 16 Յուլիսի) : Աստի սկսանի թուականն Հիճրէթի շրջանաւ լուսնի , զոր յայսրմ'հետէ նշանակեսցուք յընթացս Պատմութեան զյգ ընդ թուականին Քրիստոսի : Արաքացի պատմիչք դնեն զԻսխուստն Մէհէմմէտի լինել առ թագաւորն Եգիպտոց , այսինքն Հապեչաց , և նորա սիրով ընկալեալ զնա հանգուցանէ առ իւր , եւ յետ ժամանակի դարձուցանէ զնա 'ի տեղի իւր :

Սա եկաց զլուխ և առաջնորդ ազգին Իմանյէլի , եւ քարոզեաց նոցա ճանաչել զմի միայն Աստուած արարիչ երկնի և երկրի : Տոհմային պատմագիրք այլ և այլ եղանակաւ աւանդեցին զծագումն սորա , ուստի՞ ուսաւ եւ ո՞րպէս հրատարակեաց զԻրօնս իւր , շատացին նոքօք բանագէտք և պատմասէրք : Ի շարս գրոց Ս . Աթոռոյս գըտանի և դաշնագիրն մարդարէին Արարացոց , որ Աբրահամ վարդապետ ոմն յազգէն Հայոց գնացեալ 'ի Մեքկէ առեալ է զայն վասն հաստատութեան վանօրէից և սեփհականութեան Ս . Տեղեաց , խաղաղութեամբ և անգորութեամբ շրջիլ կրօնաւորացն Հայոց եւ ուխտաւորաց նոցին 'ի Պաղեստին , տուեալ 'ի Հ թուականի Հիճրէթի (626) , յորոյ վերայ հիմնեալ են դաշնագիրքն Օմարայ եւ Սալահատտինի և այլոց , որպէս ունիմք ասել յետոյ : Են սորա այլ օրինակք որ դաշինս դնէ ընդ արեւելեան քրիստոնէայս . թէ որպէս պարտին կենցաղավարիլ ընդ ժողովուրդս իւրեանց :